

道咸同光四朝詩史

擬刊印道咸同光四朝詩史預約集股略例

甲集分卷

附略例

不佞搜輯近人詩用鋼筆版陸續付印名曰道咸同光四朝詩史一班錄現已出至十七編其十八九等編亦已寫印矣擬出至三十編為止惟此僅長編體例未為定本今已合前數編為一集凡三十編分為甲乙丙丁四集重行刊印已錄諸家之詩略行增損未錄之名篇隨時添入期於博收慎擇以供菰林瀏覽南皮張文襄公建德周玉山督部年伯貴陽陳筱石督部均惠分鶴捧督促成書前輩盛心殷拳可感貴陽督部既賜俸金三百又提倡僚友各同志摯友如江安傅沅叔提學增洲烏程劉在股款意尤切摯激如京卿同年錦藻祥符馮果卿觀察汝桓桐鄉嚴梟

蒲太守

震

悉慨分俸入用作刊資劖劂之事勢非得已

特因卷帙頗繁衆擎廼舉爰定略例布告詞壇

一四朝詩史一斑錄銅印本約以初編至八編合爲甲集九編至十六編爲乙集十七編至三十編爲丙丁等集

一劖劂之板式仍係每頁廿四行每行廿二字惟精加

校勘不用圈點

初意本用鉛印以期迅速後因鉛印式樣不雅且多誤脫故改從雕版惟出書

視鉛印略遲耳

一集股之例每壹股得四朝詩史拾部售京平足銀伍

拾兩概不折扣亦不分析零售所有銀欸一次收足給

付收據先行奉贈銅筆印詩史初編至十六編各一部

十七編至三十編眉韻樓詩話一部詩史入選姓氏單

仍隨時出版奉贈

張十份均不取刊資俟本年宣統二年十二月付詩史甲集

十部明年宣統三年六月付乙集十二月付丙集又明年六

月付丁集各十部成書後每一集售京平足銀肆兩甲乙丙丁四集共售京平足銀拾陸兩

概不折扣

一此次預約集股均由同志好友及在位通人分任提

倡既不登報招集亦不託京外各埠書肆代售股券不

佞自任五十股先將甲乙集付刊擬於宣統三年九月

以前共招集五十股俟集滿即行停止其非同志與提倡風雅者雖欲

附股概從辭謝凡入股均寫真姓名

一詩史甲集稿現已編排粗定凡近代著名詩家刻有

專集原錄太少者均分別增錄數十首合入編爲一集不過粗舉大概

其九編以後名人佳作亦多先行輯入甲集以快先觀蓋綱筆印本僅代鈔寫之勞原非定稿也卷帙

較前幾增至一倍每家姓氏爵里後均節採詩話詩序
以資考證惟望大雅君子隨時賜教俾所錄得以宏富且免舛誤無任企禱原本題簽
有一斑錄三字今刻本已從刪

一鋼印詩史六編以後至十六編做處尙存有百餘部

五編以前僅存廿餘部如助股諸公寄欸至京時前五

編業已贈竣或缺贈數編務祈鑒諒

第一編至十六編北京版西門有正

書局均有寄售每編零售大洋四角惟第一編售洋六角因卷帙較多也現查彼處前五編存亦無多

一詩史乙集雖經編次尙未定稿丙丁等集存稿雖多

尙待博採務乞海內同志廣搜速寄

嘉慶以前詩稿別輯爲書異日合成

大清詩史故順康雍乾嘉五朝詩稿亦祈賜寄

一甲集卷首恭錄道咸兩朝御製詩冠於簡端而以

親藩繼之

一沈歸愚銑冶亭阮芸臺諸家選詩編目舊例凡有科目者均以科第先後爲次無科目者約以輩行先後爲次又歸愚別裁集於順治雍正兩朝均先科目而後詞人康熙朝六十一年因恐輩行先後相懸太甚故變通其例以六十一年三分之科目詞人相間次第今略仿厥意凡道光朝人均列卷一卷二元年辛巳至十五年乙未爲卷一十六年丙申至三十年庚戌爲卷二咸豐朝人列卷三同治朝人列卷四光緒朝人列卷五卷六元年乙亥至十六年庚寅爲卷五十七年辛卯至三十四年戊申爲卷六每卷人數頁數多寡不能一律多者有二百餘頁分裝數冊如朝鮮詩人金澤榮越南異日乙舊藩屬遺民列卷八詩人陳桂山均附入卷八丙丁集分卷亦用此例以期畫一甲乙等集乃以得詩先後分之非分時代之先後也

一現先印紅樣本數冊分示同志

有正書局亦有寄售每冊售洋二角京外

同志諸君可逕向該局函購如有舊友介紹貽賤索閱亦可奉贈

一通函及寄詩至敝處乞寄北京余家胡同內東北園

路北爲幸

函內有詩稿要件如防遺失務須掛號

大清宣統二年庚戌季冬昭文孫

雄

原名師鄭氏識

再詩家小傳及採輯事實序跋附於姓氏爵里之後現因未能脫稿若倉卒爲之必多疏漏故暫行從闕其有管窺所及亦附述一二閱者幸勿鄙其體例之雜糅而有以教之及各家科目考查頗不易故先後之間亦多倒置均待異日訂正甲集現定於本年十二月出版卽行續刊乙集凡前數編內各家有漏未入甲集者均補列入乙丙丁等集王柳村江蘇詩徵阮文達淮海英靈集均錄至嘉慶朝而止不佞此集於江蘇人搜採尤多異日擬別爲一書以步阮氏王氏之後塵所望鄉邦同志助我徵錄無任企盼詩史開園題詠已於銅印詩史十五六編以後每編附印數頁荷海內外墨客詞人寵賜題詠則幸甚幸甚師鄭又識

道咸同光四朝詩史甲集目錄

卷首

宣宗成皇帝御製詩 四

文宗顯皇帝御製詩 二

穆宗毅皇帝御製詩 二

定郡王 二

恭忠親王 二

醇賢親王 二

貝勒載瀝 二

肅親王善耆 一

一恭親王溥偉 二

貝勒毓朗 三

卷一

劉鴻庚西垣翁心存文端梅曾亮伯言張維屏南山

李振鈞海初龔自珍定盦朱履丹木戴熙文節

左宗植仲基左宗棠文襄朱琦伯韓喬松年勤恪

吳式芬子苾

卷二

何紹基子貞鄭珍子尹曾國藩文正吳嘉淦清郊

汪士鐸梅村湯成彥秋史王柏心子壽魏源默深

趙景賢忠節孫鼎臣子餘周壽昌自庵李聯琇小湖

沈炳垣文節何兆瀛青報張之萬文達徐樹銘壽蘅

朱次琦稚圭黃彭年子壽俞樾曲園楊彝珍性農

邵亨豫沐生尹耕雲杏農陸嵩希孫繆慰祖引初

葉廷琯訓生嚴謝伯著溫汝适次言

馬三俊命之

卷三

姚福奎湘漁潘祖蔭文勤李鴻藻文正張洵文節

李榕中市蔣慶第箸生許宗衡海秋周士清次軒

王闓運王秋翁同龢瓶生孫毓汶文恪馮端本子立

李文田仲約嚴辰緇生王景誠孟調孫詒經子授

邢世長文恪高心夔璧楣嚴鈐迪周張亮基惠肅

蔣廷皋采臣陸懋修九芝彭玉麐剛面朱在勤次民

徐鴻謨若洲蔣春霖鹿潭嚴鏡清心如嚴錫康伯雅

周騰虎韜甫

卷四

四朝詩史甲集目錄

二

徐邨

一文慎

吳重憲

三仲怡

劉鳳紀

一作雲

張之洞

三文襄

吳繩曾

二正齋

胡聘之

二斬生

王先謙

二益吾

張英麟

三振卿

吳汝綸

二摯甫

寶

廷

二竹坡

陳寶琛

四伯潛

傅雲龍

二懋元

劉玉璋

二特州

王

詡

三子揚

俞鍾穎

一君實

陸潤庠

一鳳石

譚宗浚

三叔裕

張百熙

二文達

延

清

三子澄

王蘭昇

一芷庭

夏震武

二伯定

江有蘭

一怡之

徐

灝

二子遠

游智開

二子岱

郭翊

二大風

張文虎

一嘯山

許之珽

一介珊

狄學耕

二曼農

卷五

易順鼎

四實甫

陶方琦

二湘淵

路朝霖

一訪巖

黃遵憲

三公度

盛昱

二伯希

翁斌孫

一張甫

樊增祥

四雲門

嚴震

三鳧蒲

朱福詵

一桂卿

志

銳

二伯愚

徐

琪

二花農

于式枚

二附若

郭曾炘

一春榆

何乃瑩

四潤甫

左紹佐

二芴卿

李慈銘

二越縉

安維峻晚峯 沈曾植子昂 王詠霓子裳 鄭孝胥人吏

端方一 甸齋 陳衍二 不遠 林紓一 畏廬 朱祖謀二 古微

秦綬章二 佩鶴 馮汝駉一 星巖 沈瑜慶四 愛蒼 馮汝桓二 果卿

馮煦二 蒿庵 陳夔龍四 筱石 徐世昌二 菊人 柯紹忞一 鳳孫

江峯青三 湘嵐 宋育仁三 芸子 張元奇三 珍午 劉光第二 裴村

陳三立五 伯嚴 裴景福一 伯謙 馬九和一 伯弓 曾廣鈞二 重伯

王鐵珊三 伯唐 何彥昇二 秋輦 王乃徵二 蕓 程秉釗二 蒲孫

徐兆璋三 倚虹 蔣廷黻二 稚鶴 關榕祚二 六生 繆荃孫三 少初

周馥二 玉山 袁世凱二 慰庭 劉含芳一 蕪林 金武祥一 淮生

商廷煥二 明章 姚福均一 補籬 范當世二 肯堂 言家駒一 應千

黃璟二 小宋 謝光綺二 方山

卷六

姚鵬圖一柳屏言有章三審博吳士鑑二烟齋陳伯陶一子彌

何藻翔二翽高曾習經一剛甫夏時濟二彝伯曹廣權二東憲一

鄭沅一叔進劉錦藻一敬如陳昭常三簡始呂承瀚三訓生

景褱一佩珂張其淦三豫荃周紹昌二霖叔汪述祖二子賢

廉泉一惠卿冒廣生四鶴亭張鳴岐一堅白胡思敬一瘦唐

俞鍾鑾一金門汪榮寶一袞父夏仁虎二蔚如李稷勳二堯琴

王式通一書蓀傅增湘二沆叔趙椿年二劍秋王守恂三仁安

袁嘉穀一樹五高毓澎二潛子蔡寶善二師愚黃兆枚一芥滄

陳士芑三翼謀章稔一山陳毅一論重嚴復二幾道

羅慎暉一揆東孫寶琦一慕韓耆齡二壽民三多三大橋

李葆恂一文石鄭文焯一小坡吳俊卿一倉石趙上達一仲翰

江瀚二叔海余棨一高陳鳳翔一艾潭洪述祖二引之

繆鍾渭

邵生

繆鍾瀉

瀉生

蔣智由

觀雲

陳

詩

子言

陳曾

可毅

周學淵

立之

丁傳靖

秀夫

王國維

靜安

金石

夔伯

閔爾昌

葆之

張朝塘

白翔

鄧實

秋枚

鄧方

秋門

潘飛聲

蘭史

蔣士超

萬里

朱聯沅

芷青

黃濬

秋岳

呂學正

養吾

袁克文

豹岑

卷七

左白玉

小蓮

嚴鈞

也秋

曾懿

伯淵

汪韻梅

雪芬

鄧瑜

慧玉

李珍

閨儒

嚴頌萱

政君

許禧身

仲護

嚴杏徵

蘭初

繆寶娟

珊如

蕭道管

道安

張寶慧

夢蘭

丁毓瑛

蘊如

吳芝瑛

紫英

呂清揚

倉生

楊莊

少姬

華金婉

秀芬

卷八

成

果

寶樹

敬

安

寄禪

裴文禩

珠江

金澤榮

滄江

四朝詩史題詞彙錄

不佞近歲編輯道咸同光四朝詩史故人投贈之章

積稿盈尺林畏廬孝廉紓又爲畫詩史閣圖同人題

詠尤多鴻什業經錄入眉韻樓詩話第七卷

詩史甲集中亦

間有錄入者如徐倚虹前輩兆璋五言長律潘蘭史徵君飛聲七古諸作茲因甲集刊成

爰錄數首冠於簡端以代弁言此後海內通人再賜

題詠則俟乙丙諸集成後賡續付梓宣統辛亥正月

孫雄謹識於雙紅豆齋

鄭孝胥字太夷福建閩縣人

近代詩才讓達官曾聞實

甫論詞壇

易寶甫云近日鉅公如南皮常熟詩皆最工

潛夫祇有傷時淚也作

君家史料看

陳衍字石遺福建侯官人

杜陵久無人茲事東高閣

微生踵秀野水竹專一壑君乃追浣花草堂欲負郭四朝
聞見錄囊括亦何博更將編紀事夾持貴陽橐吾復集耆
舊劖厠付魯削千秋詩話樓江海兩落落落胡爲在泥滓北
隴聽嘲謔面山空三層謾謾松風作 五言九十字奉題
師鄭詩人詩史閣圖所言皆兩人修詩故事也已酉七月
陳衍記於小秀野草堂

秦更年字曼青江蘇江都人 傑閣淩虛倚夕陽彌天憂
患此歸藏可堪文字三千劫詎忍風騷一代亡闡發幽光
珠在握辛勤鈎索月窺牀高情逸韻今猶昔又見城南秀
野堂 獨攬朝華當夕隕芳馨自抱眼尤明文章實繫山
河命天地還留莽蒼聲風雨飄搖秋一葉鬼神歌泣夜三
更虞山何幸添斯閣突兀人間萬古名

劉善澤字濡深湖南瀏陽人二近世紛紛亦風雅就中先

數丹徒王

丹徒王柳村建詩徵聞於焦山

邇來孫子亦好事奇書盡發名

山藏志在春秋寄孤撰時輩誰歟堪頡頏整齊見聞備故

長珠球璀璨騰巾箱古人風謠擬筆削以詩爲史非荒唐

史所未及詩可補小技况復關興亡祇今西來埽文字塵

網冷眼窺滄桑講舍頽敝鞠茂草鄒魯榛蕪闔不章儒林

丈人重太息餘子碌碌嘖諸僇呻吟卽事感今昨絕業欲

遂相扶將振筆軒昂睨千古邢家紙價高洛陽知君意氣

凌天閭葛巾布服居士裝傑閣縹緲蹲中央豪歌浪哭風

懸涼乾坤真境本難得秦火不到天莽蒼空山猿鶴爭避

席突兀見此神爲狂翠壑丹崖息壤在茶煙午榻松風長

萬卷何假百城樂皮架爛若雲錦張丹鉛陸離譬青細別

四朝詩史題詞彙錄

二

幾僞體如挽強少陵詩臺留魯郡直放遠響參宮商史席
騷壇兩牛耳縱橫異代遙相望文獻百年賴有託裨官野
乘皆秣糠他日白虎攷同異斯道卓爲羣倫倡願將此圖
繕萬軸一一盡薰班馬香縱教丹青化迹象詩魂已躋君
子堂

袁祖光字瞿園安徽太湖人 千鈞一髮繫斯文突兀樓
臺獨見君秦火劫餘何日月海天高處忽風雲可能長嘯
蘇山頂到此真空冀北羣珍重藏珠勤記事眼前雷釜底
紛紛 蒼騰六十餘年事文獻飄零大可嗟或躍或潛皆
烏鼠一鱗一爪自龍蛇林宗合是人倫鑒太史今無紀傳
家何限青雲思附驥遙天白露冷蒹葭 諧聲鼓吹重京
都一幅興亡松樹圖黯淡雨雲開世局寂寥天地剩吾徒

星輝金石蛟長泣食字神仙蠹漸蘇聞道遙聞今尺五莫
教張網漏珊瑚孤吟我亦髣蕭蕭夜雨藤花冷夢凋舊
日荒園仍杞菊空山殘雪有芭蕉庖丁隱後全牛在知己
來時老驥驕好詠叩須趁舟去九天風細正鈞韶

闕裕祚字六生廣西臨桂人風入松結廬常住碧山

陬清極與天遊縹緲滿架丹鉛徧似蕭梁文選高樓四面
雲山入畫萬篇珠玉齊收有時松下獨科頭詩興傲滄
洲與君經歷紅羊劫等閒身眞作浮漚休閒白雲蒼狗隨
風天際悠悠

陳步墀字子丹廣東饒平人琴南圖畫琴川地史臣乃

有詩人事山被雲圍山復圍山被雲圍住圍雲更有山子
滿庶常句也太史爲庶常後

人故一閣飛來自天際中坐綸巾儒者流讀書目已無全

牛公幹升堂思入室五言何止論蘇州憶從風雅淪亡日
抱器誰傷微子瑟那堪離亂贖孤吟應起春秋董狐筆我
聞高義嘆君難一編珍重棗梨刊杜陵無人謫仙去聖
朝藉此傳騷壇壯遊歸自扶桑島不愛扶桑山水好人間
無地似吳中此與天真並垂老八閩林子舊詩名意匠經
營慘澹成月旦早傳摩詰畫風流同萃仲謀庭廻翔六合
乾坤窄多少詞人拜詞伯山靈長護到儲胥留與他年作
方策神交萬里隔京華文字由來共一家獨寫數行附高
閣好憑歸雁寄天涯

邱煒菱字菽園福建海澄人一閣俯丹霄詩心萃五朝
蒼茫天地闊雜沓雨風瀟燕北臺誰築淮南桂可招神廬
同意境相望未爲遙 進退曹劉作陽秋手自操浣花千

古盛野史一亭高大隱居金馬亡詩出楚騷畫圖紛迹象
藝苑足翔翱

蔣智由字觀雲浙江諸暨人海內維新際斯文賴有人
昭明樓嶠岬孔氏筆嶙峋泗水求周鼎荆山擇卞璵眾流
恣浩瀚尺箠入陶甄定許殘編壽還看故轍遵星霜遺典
則風雨聚精神字脫知三豕功成獲一麟事同書納壁光
識劍冲辰國粹留菁美天葩得嶄新六經河漢似紹述在
前民

汪述祖字子賢安徽休寧人孫侯蚤歲官太史臺閣文
章無與比表聖功名祇賞詩選樓高築凌雲起杜陵一去
一千年詩中史法問誰傳嘲風弄月嗟何用誰擅三長似
孟堅吾聞昔者天真叟嗶嗶遺集傳人口仲瞿鐵雲並齊

名何論盧前與王後維叟有子復有孫范研摩挲手澤存
楹書萬卷勤收拾當世詞章窮討論徵文攷獻日無已見
聞如錄四朝史開編首冠阮揚州太傅風流有如此輶軒
兩浙嘆多才體例漁洋感舊開蘭泉司寇傳湖海礪士尙
書工別裁悵望前賢嘆弗及近人乃編正雅集南山徵略
遺珠多那似孫侯富掇拾上自道咸迄同光名章奇句盡
收藏無數詩人齊感泣夢中當遇古冠裳八詠樓草元亭
空自哦詩與窮經日月窮愁增著述何如河嶽集英靈英
靈不沒千百載一編如對古人在縱橫滿架助新詩披君
圖畫想風采述也交君廿載前同官郎署鬢蒼然書畫一
家曾作志余有汪氏書畫錄近輯耆舊詩存未成詩傳耆舊未成編述尙無
才敢言作餘園且圖讀書樂余亦以餘園讀書圖乞君題詠不能閣上畫

麒麟當向山中招猿鶴

周 贊字山門安徽宣城人 琴水條條入海流陸沈誰

與拯神州接輿已歎文衰鳳樹幟全憑耳執牛人閱四朝

如隔世聲分六律問千秋

以拙著山門韻語及周氏琴律切音郵呈

獨慙官與

名俱冷難共珊瑚一網收

程 霽字甘園安徽休寧人 嗟乎前不見梁昭明南朝

文選樓後不見元遺山中州野史亭徒令萬古騷人墨客

傷心句長與荒煙蔓草同飄零歐風亞雨迷離新大陸星

星藜火化作千流螢耶謫梵曲雜凡響陽春白雪古調無

人聽天不雨粟四千載倉頡廟前鬼哭青山青虞山之西

柳湖北湖光吞吐煙嵐色深林大壑石徑側中有江左孫

炎著書宅孫氏累葉皆清流詞賦家傳五鳳樓麝煤香消

紅豆冷

君先德本生高高祖訥夫太守有山水畫冊天眞高祖子蕭先生有雙紅豆圖均經名人題跋

閣頂風颭颭眉韻主人述詩譜學擅九能繩祖武箋經上

希鄭高密注書遠紹顏師古天教餘事作詩人高隱雲棲

謝纓組發端徵輯四朝詩自述生平創解語文中有韻文

卽詩詩外有詩詩是史頌詩爲政豈殊科刪錄微衷規正

始興觀羣怨匪小道井蛙腐儒烏識此世上流傳詩史編

眼中突兀詩史閣閣兮閣兮獨立蒼茫無倚托坐閱桑海

起邱壑上下雲龍五百年把卷高吟動寥廓君不問校書

天祿楊子雲閉戶草元窮典墳世無桓譚孰論定覆瓿奇

字徒繽紛何如君家詩史閣上詩仙詩聖羅縱橫左圖右

史月旦評零縑斷錦盡搜緝洛鐘響應銅山傾隋珠卞璧

光照乘金篋刮目呈晶瑩或爲孤臣孽子表謫泣或爲被

來學者垂前型不必宗唐祧宋流派爭不必南主北客區
品明但使諷詠之間有史意皆可大書特書存其名宣統
紀元二月閏是月詩史閣圖方續成圖成向我索長句展
圖如見君平生題君此圖輒神往仰視滕花驪畔百鳥鳴
嚶嚶

徐乃昌字積餘安徽南陵人述德曾廣絕妙詞還君簪
筆鳳凰池魯公清望三朝重吏部文章百世師海內英才
多問字閨中良友共論詩巨編褒集羣賢作想見芸窗正
雅時記附青雲賦鹿鳴廿年重拾鷺鷥盟人因話舊鐙
如笑詩有同聲月倍明未忘把盃申繼繼相期攬轡策澄
清燕南雲樹江南柳好聽春風出谷鶯

宣宗成皇帝御製詩

成廟御製藻之

謹從道光九年三月大學士曹振鏞等校刊

聖藻之一

詩書二經為總集之權輿典謨雅頌所載多聖君

賢相之作蓋欲維持風教必先宣揚上德理有固

天章雲漢非私家所宜採錄然恭讀

成廟御製序篇末二語云詳加校刊以惠菽林而示來茲

聖製數首冠於四朝詩史之簡端使菽林奉為矩矱當亦

聖意所許可也 曾文正經史百家雜鈔序云近世一二

知文之士纂錄古文不復上及六經以云尊經也

然溯古文所立名之始乃山屏棄六朝駢麗而

返之於三代兩漢今舍經而降以相求是猶言孝

者敬其父祖而忘其高曾言忠者曰我家臣耳焉

敢知國將可乎哉余抄纂此編每類必以六經居

列聖御製詩炳乎三代煥若六經開詩歌聲律之原廣敦

厚溫柔之教承學之彥咸宜誦習爰師湘鄉曾氏

鈔纂經訓之意一破前人管窺蠡測之見與循行

數墨之風庶使簪毫吟侶伏案經生讀

睿藻而軒翥若百川之宗海行見垓絃之內爭相盪穢而

成廟御製詩

宣宗成皇帝御製詩

一

滌瑕冠帶之倫靡不詠
仁而蹈德矣孫雄又識

初御乾清宮聽政示諸大學士軍機大臣及六部尙

書有序

朕以涼德仰承

皇考付託之重國政民依未能周悉所賴有位諸臣同心

同德感戴

皇考倚任深恩以襄政治今而後爾諸臣務各抒忠誠盡

心職守常懷爲上爲德爲下爲民之念一切積習概

行屏除遇事則據實入告勿存畏避之心勿蓄迎合

之意卽諫而弗納則臯在朕躬諸臣無與也若有心

緘默退有後言責亦有歸歟慎斯以往庶可匡朕不

逮克紹

前猷朕有厚望于諸卿也

承

恩惕厲勉君臨最爾羣臣望作霖啟沃良多匡治道糾繩
無隱竭忠忱都俞罔俾傳專美燮理應殫不二心一德弼
予成繼

序兢兢

天命凜難諶

新正十有二日初幸圓明園敬感

癸未

御園觸目總依然事隱中心異昔年門啟賢良初駐馬殿
標勤政凜仔肩雪含宿潤溪山麗樹引和風景物妍布惠
新韶循舊典寅承

考澤慎心傳

圓明園門曰賢良殿曰勤政實爲我國家出
治臨民之地 皇考鑒於成憲每當新春

成廟御製詩之二

四朝詩史甲集卷首

二

鑾輿莅止予小子隨侍左右歲以爲常茲於嗣位之
三年初循舊典慨流光之倏忽瞻風景之依然惟有理政
任賢仰承 考澤云爾

新正至上書房瞻禮

至聖先師述志

不到書齋三閱歲新春瞻禮感初臨圖書依舊看連屋几
硯如初漫愜心此日勅幾宵肝切當年函丈歲時深擇師
涵養

恩難述謨典精微勉寸忱

朕在上書房三十餘年無日不與詩書相砥礪蓋我先皇

擇師涵養之恩至深且切也本年新正十七日重履書齋瞻禮

先師既殷聰聽之懷益懍心傳之正焉

仲春

文廟釋奠禮成敬誌

海寓同文明

至德躬親釋奠矢微誠儒宗百世垂名教道統三才集大

成風過鑪煙香吐馥韻流金石律和聲升堂叩拜欽

先聖御世心傳戒滿盈釋奠之文載在禮經所以尊師重

仲春丁未躬親祀事念聖之微言保泰持盈益深寅畏祖宗之心法欽先

瀛臺感舊述懷

轉瞬星霜二十年西園消夏

聖恩宣淑清敬業文峰畔崇雅同居液沼邊往事懷然如

夢幻流光倏爾若風煙

慈顏自此難攀仰言念空餘涕泗漣嘉慶庚申予同三弟

命在瀛臺淑清院之日知閣讀書並雅殿居住自夏徂秋始還宮內書齋時光荏苒已閱廿年

之久撫今憶昔風景如昨歎世事之變遷愴罔極言念及此不禁涕淚之汎瀾也慈恩之

萬善殿瞻禮作

吾儒取諸人彼釋修諸己其體若兩歧其用原同軌天君性同然不爲物役使己饑已溺心操存慎行止幾暇禮空王遷善衷常矢願將衆善根普濟如如是修植寸田中湛然澄慧水誰參一指禪義諦誠難揆

上元後一日命吾弟惇親王瑞親王惠郡王至咸福宮賜食感而有作

依然接席弟同兄振觸年華倏變更養正秋驗傷往事存

誠夜話歎平生

養正書屋乃三弟惇親王自題其書齋額云存誠室

皇考賜朕園居之扁額

時光忽辨君臣分繾綣難忘友愛情強飯佳辰聊復爾春暉斜暎紙窗明

仲秋七日幸萬壽山玉瀾堂錫宴十五老臣賡歌圖

繪以彰盛事

癸未

天高氣爽屈白藏西風颯颯八月涼湖光山色秋正好玉

瀾堂上芳筵張踰濟濟欣際會咸逾古稀咸康強親親

誼篤予之伯為國屏藩輝天潢和碩儀親王展膺

廟略成偉績宣威重鎮知應揚御前大臣昔贊綸扉承

考澤立朝正色端巖廊大學士絲綸佐朕彌恭謹抒忠獻

替資助勦大學士軍機大臣曹振鏞河防宣力內襄政年開八袞壽而

臧大學士封疆重寄廉兼幹平成奏績慶河黃協辦大學士

督孫豈獨文章禁省冠一德密勿惟幾康戶部尚書軍朝

端大壽今居首靖共匪懈承餘慶禮部尚書宣猷昔日知

耿介善善惡惡刻無違工部尚書勤勞三省心益壯不凋

松柏歲方長理藩部尚書中外宣勤厯年所不偏不倚柔兼

剛左都御史偉哉藩王抒忱悃

三朝宿衛

恩榮光

郡王衛都統哈迪爾

奮戈疆場知勇冠精勤調習天閑驤

都統

阿那保

山右滇南昔受

命今者懸車優禮彰

致仕大學士伯麟

久歷戎行志敵愾裹創血

戰殲機槍

致仕都統穆克登布

予今圖繪有深意意在才備標朝綱

矧逢大耋欣罕覩皤然在列欽

先皇

先皇薨臣遣小子弼成政治

恩德洋溢園錫予歌紀盛天壽平格福穰穰

文宗顯皇帝御製詩

謹從光緒五年正月恭忠親王等 奏准用集字
版刷印本

顯廟御製詩文集內恭錄數首以見一斑至一切格式均
照原書臣孫雄謹識

言志三絕句

一心兢業審幾微省過方知昨日非
本立末隨勤問學有容無欲懍垂衣

修身時切丹書訓守位常懷大寶箴
敬勝欲從心翼翼景行仰止企高深

警覺常存勿內馳誠維天道勛予思
澄懷待萬思乎順鏡朗無虞照屢疲

渡蘆溝橋作恭依

皇祖詩韻

芳菲節過渡蘆溝策騎含辛蹕路由隴麥最欣沐甘膏督
臣已報靜凌流近日已閱納爾經額
凌汛安瀾之奏報細縕晴靄分高岫潏
潏春潮落遠洲指點蒼茫煙樹外浮屠遙望出城頭

賜恭親王

名園朗潤近圓明賜額心同弟與兄孝弟立身先務本慰
予厚望勛公平

癸丑嘉平月朔開筆書福卽事述懷兼示軍機大臣
恭親王等

又臨開筆月嘉平小醜稽誅未廓清章奏雖繁鮮濟實將
心難合枉多兵祇慙感奮激無術惟額

仁恩冀有成夙夜所籌樞務重劬勩有賴是諸卿

喜雪用蘇軾題北臺壁韻 十二月十四日十五日

傍晚飄蕭壤蕊纖

吳恩感格懷精嚴定知宿潤滋原隰已報餘氛匱米鹽是日

勝保報到賊列戌披堅寒霜帳下簾忍凍念茅檐消兵豫

匪窮蹙情形勝保奏連日剿靜海獨流逆匪情形諭令今歲

救應加奮總期剿滅淨盡勝保屢次擊賊奮勇必能副朕

委任仰冀吳蒼垂佑迅奏膚功殷盼之餘倍深寅感馬上飛緜點帽尖

雉堞雲迎散曙鴉消融縞帶未隨車遙岑皎皎將堆玉禁

樹森森已綴花政敕駕聯百卿士是日御門歡騰鳳闕萬人家

三希待展時晴帖好韻拈成愧八義此二首係兩日成什

憶昔丙申年六齡初入學芝農日誨予良傳資啟沃修身

先立誠主敬期寡欲長往徒增悲歲月一何速尊聞恐荒

蕪孜孜勤夜夙除暴乏良謀興言惟自慙

開誠痛戒因循詩以代諭

懲戒因循莫用寬豈無善法得人難任他披露終招譴且
自模稜忍素餐念重一身原甚易心捫五夜果皆安聽予
濡淚揮毫什返爾良知盡效丹

示志

代天司牧者惟願寰區安一夫弗獲所飢溺切恫瘝矧茲
兵未戢竭力旋乾坤籌戎罔敢怠立志拯民艱昕夕時渴
望渴望在得人方伯與卿尹布政同憂患黽勉尙虞愒優
游誠厚顏不惑腳跟定無忘訓諄諄

乙卯除夕

昨日春方至今朝歲又除垂裳勤政治敏學驗居諸縱使
陳芳宴依然盼捷書聲聲喧爆竹豐歲叶維魚

穆宗毅皇帝御製詩

喜雨 癸酉

時令逾常雩農田方待雨誠虔達

上蒼喜得甘霖普陰雲布崇朝灑潤徧沃土麥隴盡含滋
秀色雙歧吐置酒正開軒歡娛對場圃城郭繞煙嵐南山
翠當戶轉眴盼秋成餘糧滿倉庾年豐膏澤多村舍皆共
舞

讀縱囚論

國家有常典執法當持平好生原盛德豈容民倖生唐宗
昔縱囚一時博美名放遣約自歸及期果如盟匪眞信義
孚感格由至誠市恩以勸法紀綱自此輕卽云出惻隱茲
舉難再行緬懷三代上王道本人情

讀書樂

夙好在詩書天懷欣有託萬卷羅牙籤其中尋至樂最愛
午風清微涼生殿閣開編豁胸襟靜取含淡泊經訓日討
論菑畲力耕穫所取養性情豈徒詡賅博洊溯淵源薪
傳紹濂洛理義悅我心本非由外鑠道妙卽當前鳶魚悟
飛躍古香發瑤函明月透珠箔境比玉壺澄未許纖塵著
讀罷意悠然此味更奚若

雨後望西山

雨餘天宇清心目倏開朗西山掃浮嵐佳氣朝來爽螺鬟
如乍沐遠望出塵埃萬重濃翠滴草樹喜新長煙巒湧遙
空樓檻倚高敞泉流石上懸鐘聲雲外響坐卧一窗間秀
色娛俯仰天然列畫屏丹青意難仿不厭捲簾看何時攜

筇往日斜猶徘徊吟詩寄欣賞

元旦試筆

甲戌

春韶試筆紀元正玉燭時調淑氣迎北斗回杓看瑞象東
風入律譜和聲

蒼穹澤沛占豐稔紫塞兵銷喜肅清長侍

慈闈依愛日歲朝先進

萬年觥

暮春卽景

郊西輦路淨無塵百五韶光次第新送暖雲山眞綺麗得
時花草亦精神正當芳甸巡行日尙憶蘭亭禊飲人豈爲
物華供玩賞陽和布令樂同民

題秋山平遠圖

穀廟觀製詩之三

四朝詩史甲集卷首

八

好山無定姿最喜秋林晚雲峰似几平眺望一何遠邈哉
郭河陽妙筆凌北苑玉堂留畫障曠若陟層巘正如湖海
士物外得嘉遯又如蘊藉人含意獨深穩爲吟畫中山秋
入新詩本遙知石橋邊有人方策蹇

南苑閱武

風勁霜高萬馬驤特臨南苑飭戎行八方無事邊烽靜七
萃如雲士氣揚豈是勞軍來細柳敢云縱獵效長楊防秋
略寓驅劉意

家法欽承戒怠荒

定郡王

各詩據行有恆堂初集輯入

行有恆堂初集分上下兩卷湯文端潘文恭邢文端
三相國均有題識之語刊於簡端湯云諸作樹義正
大寄興高遠鍊詞新警用筆健捷非苟為逞妍擷藻
者潘云大集高渾精深風格迥正是能探源漢魏得
力於唐宋大家而自闢畦畛者元音一振凡響收聲
實為詞壇宗匠祁云定邸涵茹風人杼軸意匠剴
今驍路轢古窮塵淵源乎三百篇規重矩疊編排者
四十載櫛比纒連蔚矣鴻裁允為雅什刊於道光
二十八年九月版式字體均極精審
我朝稽古右文超軼往代親藩華族咸工文翰何
間之大雅不羣東平之為善最樂漢家佳話不能專
美於前余編次道咸同光四朝詩史輒就菽苑流傳
之什謹錄數首以見一斑云
爾庚戌九月師鄭孫雄謹識

古銅戈行

土浸沙沈經濕燥堅戈不共將軍老何年劖出落人寰得
來幸未傷完好戈兮戈兮慨汝何淪落沈埋歲月多形質
雖然經閱歷鋒銛久已謝消磨不殊商鼎周彝古精純翻

憶良工苦青皴碧繞色斑斕長保堅貞莫朽腐位置芸軒
什襲宜端溪毛穎共書帷吟餘摩撫增豪氣相對堪除懦
弱思曾經勇士持排列伐鼓揮旗威猛烈短兵擊刺洞肌
膚刃鐔遍漬敵人血至今點點珊瑚紅千年以下無湮滅
擬想沙場接戰時夜深風雨停杯說

辛卯六月白龍潭禱雨是日卽降甘霖用夜熱韻

途遠未遑解鞍歇地燥沙鬆馬蹏沒靈山祈雨敢憚勞赤
日黃埃且馳突平田皮捲皆龜坼木葉乾縮如卷髮農夫
力作炎歊中揮汗耘鋤疲筋骨而我行觀若輩勤頓使胸
懷忘暑暍卧壠耕牛喘不休蓬頭稚子無衣韞村屋卑隘
蚊蠅繁夜間饒有牆根蠹潮水狂瀾數丈強只今可以褰
裳越惟願沛澤遍千里好將炎赫消六月天久不雨爍金

石辦香致敬毋輕忽漫云禾黍焦穗苗會及瓜果爛根核
民情政事兩交修天和可驗星無孛釋茲恆暘義莫窮謬
解旁究詎若訥默禱神明仰祝天俄見出岫興雲勃疊嶂
廻巒妙境幽離宮別殿峙嶠峯起敬經行不敢停路馬蹵
芻禮有罰途遇來往行人稠童叟絡繹虔誠謁懇籲救我
百穀枯關心怕負春播厥苾芬自昔享馨香潭深信有神
龍窟不然亢旱至三旬清波未見微消竭神感虔敬降甘
膏卽有滂沛迎車發

駿馬

駿驥超羣久來從渥水西性馴神自健力壯齒初齊蹀躞
輕千里廻旋捷四蹄願酬芻秣厚驤首向風嘶

塞上道中

驛路隨山轉高秋塞草黃
碧峯新沐雨紅葉飽經霜
野渡寒流水平沙淡夕陽
郵亭多客思猶覺夜偏長

奉寄隆雲章閣學十四韻

投筆綬夷壤深知銳志雄
大才無不可廣畧有何窮
尙儉堪敦俗忘勞見竭忠
建旄開府幕駐馬梵王宮
奉使三年客辭家萬里蓬
車曾穿鳥道馬已度蠶叢
惆悵炎蒸裏馳驅雨雪中
安邊思定遠化蜀近文翁
風土殊燕薊山川異華嵩
張騫曾出塞馬援未言功
應念甘棠召還希大樹馮
維持欣素守道義信長充
尺牘煩頻復郵籤喜更通
願期勤謹意慎其異初終

恭忠親王

萃錦銓自序云光緒甲申閒居多暇嘗閱樂天長慶等集以自娛適樸庵七弟以灰韻小詩二絕見示卽集白句依韻奉答覺吟興頗饒因取唐詩置案每於花晨月夕依體物緣情開卷有得如與詩人相對乙酉春初遭潢兒天逝之感抑鬱於懷遂有西山之遊惟以唐詩數卷相隨計行程四十餘日得詩五十餘首興到筆隨不計工拙旋京後友朋見之慙慙付梓謹案樸庵卽 醇賢親王之字

讀樸庵弟九思堂詩稿續編

本支連 帝系志氣在悵悵文炳高天曜瑤華振雅音永言形友愛託宿話胸襟贈我如瓊玖君心自我心

立春後五日樸庵弟邸奉陪佩蘅相國小飲集句

曉騎齊驅九陌塵日鎔金鑄萬家新階前碎月鋪花影徑

轉垂藤間竹筠千古是非無處問是日卽席觀劇一杯搖蕩滿懷

春今朝歡喜緣何事得見蓬山不老人佩翁時年八十有一

步佩蘅相國閒坐偶成韻

此際無塵擾超然物外心更憐三五夕暖卧兩重衾白雪
歌偏麗瑤華振雅音一身居處靜流水入虞琴

佩蘅相國招飲觀劇卽席二律

風流合在紫微天長取新年續舊年月色更添春色好詩
家才子酒家仙朝陽初上黃金屋晚照重登白玉筵歡劇
提攜如意舞永資聲政入薰絃

老翁今年八十幾謝家門館似山林有緣有相應非佛爲
政爲人漸見心白露黃花歲時晚詩僧酒伴鎮相尋捧持
領重淩雲葉日月成篇字字金

春暮憶淀園感懷四律

時濺見在園暫厠擬於今歲
四月安葬昌平州南莊營

一生贏得是淒涼醉把花看益自傷魂夢幾迴迷蛺蝶煙

波無計學鴛鴦

光緒六年嫡室亦曾在園停厝

心同野鶴與塵遠迹似僧

齋厭夜長愁極本憑詩遣興可憐雲路獨翱翔

遙見林花識舊溪良宵只恐鷓鴣嘯方池露冷芙蓉淺曲
岸春深楊柳低暮雨自歸山悄悄離心長在草萋萋生憎
燕子千般語綠水晴天思欲迷

對水看山欲暮春攀歡甚少愴離頻柳門竹巷依依在草
色嵐光日日新世上路歧何繚繞空中光景自逡巡於焉
已是忘機地似共東風別有因

韶風澹蕩無所依拂石欹眠絕是非樹影悠悠花悄悄銀
河漾漾月輝輝鶯傳舊語嬌春日蝶遶低枝愛晚暉顧我
有懷同大夢伯勞東去燕西飛

榮仲華都護贈畫十八羅漢蕉葉便面因酬一律、

形如瘦鶴精神健會得山中寂靜源繞電奔雲飛日月走
龍鞭虎下崑崙大羅過卻三千歲天闕重開十二門笑指
白蓮心自得澄清似鏡不曾昏

樸庵弟以校訂壽禧和碩公主壽莊固倫公主兩妹
幼時合作松鶴齋近體詩草三十七首見示因集
唐名媛句感題一律兼誌悲懷

皓魄初籠桂澄澄一鏡明和風疑宇宙前事盡虛盈石畫
妝苔色瑤琴寄恨生無端兩行淚猶見遠山橫

次韻樸庵弟卽事一律兼謝惠紫騮馬

森森古樹列巖隈清邃林亭指畫開天外明河翻玉浪砌
因藍水長秋苔幽居正想餐霞客愛酒原非命世材試聽
紫騮歌樂府殷紅應自日邊來

醕賢親王

各詩據曾侍郎紀澤歸樸齋詩集謹錄

曾劼剛襲侯爲余畫宮扇二柄各題七律一首依韻

酬之

宮扇二柄一畫晦翁半畝方塘詩意一畫龍船果乃歐洲草果未熟時常須覆草護衛其

根名曰司緯百立劫剛因其五月登盤故名爲之龍船果

海氣晴消倦眼昏依稀孤嶼認煙村

丙戌泛海情況禁中新侶陪

頗收化外遺編邁鄭孫

侯近住外國事跡進呈

玉帛雍容言有信梯

航迢遞夢留痕谿山不是尋常筆成竹羅胸萬事披

水聲雲態

活潑逼真宛若海邦風味

八蠻六詔復三巴都梏多南更石瓜試問譜中標異卉誰

從海外翦流霞櫝藏齊火來荒微爐鍊丹砂學道家卻憶

米孫烏什哈關山東望日光華

清語米孫爲醫烏什哈爲星果名產吉林

再和劼剛襲侯仍用原韻

搜奇李獺曲慙巴畧比清泉助魏瓜友誼詩賡青玉案
宸章光煥赤城霞經營事竟空千古運會天教漸一家締
造守成心法貫拜颺敢詡貌言華

瘴雨蠻煙想驕昏誰知綠樹各成村萱花香裏佳兒婦珍

果枝頭茂子孫

宋祁天仙果贊有子孫枝不花而實薄言采之味埒蜂蜜按天仙果如櫻桃味甘似

與司緯百立彷彿

八載旌車雲鵠志四方蓬矢雪鴻痕采風深意

吾能說自古忠從孝立根

法國某孝子事

玉照亭賞梅

去歲清芬邀駐輦者番冷豔爲催詩涉園花與客相識舉
酒客疑花已知松柏祝翁無量壽棣華願我有餘思老梅
祇管春消息作意臨風放數枝

劼剛和余賞梅之作疊韻酬之

等閒雅集開生面酒國奇方海國詩玉樹交柯三世誼

近始

識重伯昆仲

竹筒分韻兩心知盪胸雲矗都成趣义手才高不

待思記取小陽霜雪裏寒香折贈最先枝

劫剛因余餽五色菊四盆賦詩爲謝疊韻和之

驊騮伏櫪昭張弛自笑區區賸作詩偶事唱酬原小道卻
將懷抱訂深知書香繼起雙峯秀畫意遙生八表思擬借
修篁喻佳句清風玉戛一枝枝

鳴綠江源沂黑龍遼東佳氣自天鍾花名五色雲蒸石苓
蘊千年雪壓松有用藥皆稱上瑞無名卉亦耐嚴冬憑君
栽向霜籬試蒲柳凋餘豔轉濃

貝勒載灃

恭忠親王次子有雲林書屋詩集八卷

七月十九日移居故園作

壬寅

聖明 恩許賦歸歟三十年重返故居嬾性但尋幽僻地

閉門閒讀古人書池魚庭鶴情同適水月松風趣不疎爲

報交親成小隱雲林深處是吾廬

余居室額曰雲林書屋遂自號雲林居士

劉月

乙巳

萬古凝寒魄空靈映物清已教分晝夜何必有虧盈石瘦
驚人立蛩多作雨聲淒涼林壑影感興一時生

讀紅蘭主人玉池生稿

玉池生本 天潢親翩翩綺思謫仙人寒清瘦古著高論

主人選孟郊賈島詩名寒瘦集親爲評點並自序日凡物莫不寒者清而瘦者古情古詩品之極致掃盡繁

華意造新神韻風流欲仙舉性情以外無閒語西崑精魄

壓晚唐

序言主人平日積勤西崑體詩

一代傳人自千古鐘鼎山林樂天

趣閒與鄒枚鬬奇句梁園讌會客常滿禮賢下士親寒素
天教帝胄開詩宗一時繼起如雲從想見太平啟文運百
年景仰難追蹤我亦林居抱詩癖傾心拜誦欽遺風

見次孫毓麟賦詩志喜

含節重賦桂枝新憶昔稱翁未四旬

嶙孫生於八月十三日余年三十八歲得

長繼續且期縣世澤焚香先自告

慈親縱無班白難言

壯今年四原要癡聾莫認真囑付偉兒須在意劬勞應念

過來人

減懷偶作

己酉

宣統紀元歲己酉忽忽行年四十九三賦歸歎了一生青
雲倦鳥還林藪從來未敢說知非此後難期是與否已過

歲月有若無未來事蹟無或有偶然追想少年情心緒茫
茫如中酒對舊寫真認故吾攬明鏡訝成新某今勒疎慢
昔所嗤昔日朱顏漸成叟因緣參悟佛老言造化權操小
兒手曠觀今古聽自然卽事隨時開笑口

寄懷貞盦居士

去年飲君酒秋氣清心神今年祝君壽花柳絢陽春日月
曾幾何時事判舊新念我同懷友跡疏情則親松吟竹韻
答共保歲寒身以茲清靜趣所貴心性真

花農太史年開周甲得第四子詩以奉賀

詠到瓊林第四株乃翁扶杖看懸弧傳家早種藍田玉

詠盆蕙詩有種
玉藍田之句

撫掌新擎明月珠喜洽靈椿應更健祥徵

芳蕙果相符

承示盆蕙於春雪中花開
四箭弄璋之喜恰符其數

連枝接葉貽謀遠

待賀含飴抱鳳雛

福順寺詠懷

居山最宜深登山最宜曲曲則幽趣多深可遠塵俗我愛
福順寺柴門隱山麓盤旋石徑長坦步如平陸旣免跋涉
勞又可豁心目原野望無窮山景覽全局首夏清和天風
日適溫煥羣峯入戶青萬樹弄新綠去年初識荆今來蹤
跡熟公然作主人住持皆舊僕寺爲太監退休之所向無僧衆先澤餘
蔭長名稱居士屋本寺向以響塘廟呼之自光緒乙酉先
室亦承退思伴雲霞幽懷散花竹得句呈佛看開窗讓雲
宿倚石聽流泉過雨拾園蕘池魚自去來山禽閒飲啄動
可拄杖遊靜則翻詩讀安排自在身天假清閒福知非尙
未能已得從心欲

肅親王善耆現官民政部尙書

詠雪

庚子年作見庚子都門紀事詩卷六

夜來得微雪曉起不勝寒
醞酒猶嫌薄重裘尙覺單
勤王誰李愬閉戶盡袁安
寄語西征客應知行路難

和毓將軍遣感詩韻

多少興亡恨長歌對酒時
乃公無所用豎子爾何知
大業成孤注強鄰晒太癡
他年青史上一段解人頤

雪夜用紅梅韻詩

二首錄一

濃雲黦黦罩山家散作人間六
出花翦燭清談招舊雨開
樽相對醉流霞市朝幾輩猶無
褐帳殿三軍尙著紗譙鼓
瑟瑟人寂寂天公玉戲更交加

再和葛文台詠紅梅韻

居然風景似山家又見寒梅欲放花殘雪半村橫落照斷
橋一樹伴流霞駐顏豈醉黃封酒賦色聊披絳帳紗避世
桃源同氣味丹成應識道心加

恭親王溥偉現官正紅旗滿洲都統禁煙大臣

王字紹源爲忠親王之孫溥貝勒之長子承繼於溥貝勒禮賢好學詩筆超邁溥貝勒字湛甫詩已錄

雜詩丙午秋作

渾噩上古世羲畫開元冥乾坤易之門煌煌冠羣經聖人繫以辭百世垂儀型奈何人不察儘乞龜策靈假年欲寡過三復驚忪惺

潔已安百姓堯舜其猶難自內以達外心廣體自胖工必利其器水必觀其瀾大禹格有苗勿作空言看

古帝夢良耜旁求及版築雍雍考槃詩俗眼不可讀諸葛耕南陽淵明愛秋菊靈石孕璫瑜幽光貴含蓄用之作霖雨黎首咸蒙福皎然行與藏何嘗暫跼蹙乃有皇甫子充隱居林麓倚蘭歎宣尼援琴賦幽谷

四朝詩史甲集卷首

六

北山徒張羅南山自高蹈烏知避矰繳人何甘網罟不見
鳴夷子煙波泛孤槿長揖謝君王富貴非吾好知幾其神
乎功成不望報達哉張子房拂衣有同調

魯連仗高義西謁平原君丰采驚四座意氣凌青雲激昂
逞雄辯片言息紛紜公子竊虎符函關走秦軍笑卻千金
酬拂袖東海濱終身不可見千載挹清芬

祖龍出函關六國融嶽沙築城障絕域聚鐵銷鏑鈇阿房
三百里複道飛龍蛇妙舞邯鄲人玉手鳴箏琶欲得不死
藥陟彼東海涯連車礙紅塵長旌凌紫霞巨浪蔽蓬山鯨
鯢奮鬚牙徐福去不返東望長咨嗟

斜月耀西南清光隱高樹金井梧桐枝溥溥泖涼露遊子
別經年春秋等閒度庭階絡緯鳴頓驚秋氣暮夜氣侵虛

廊憑闌歇微步舉手見銀漢悄然增感慕迢迢一水寒飛
鴻那得渡

我聞崑崙峰乃在西北隅周迴三萬里謂是神仙區雲崖
生紫芝古木交珊瑚中多不死人相將棲巖廡採藥登虬
龍天風吹羅襦明霞拂襟袂咳唾生明珠徜徉足千古不
爲世所拘回首望塵寰煙嵐障天衢嗟彼利名者對此空
踟躕

喜雪

庚戌冬月之雪數日不止爲都中近
年所未有也信筆狂書遂有此作

連日彤雲掩天宇寒氣颼颼陡如許北園一夜雪兼風頓
使山林異曩觀乘興驅車近北郭喜有亭臺瞰洲渚萬象
迷離辨不真長空尙作璇花舞隔岸招提隱約中紅牆一
抹柳橋東翻經老衲大寂莫鏗然擊磬驚飛鴻雲稠風急

雪如掌樓前都作煙濛濛玉戲何人縱揮灑九斛香塵平
萬瓦藉茅老屋臥袁安作賦梁園擬司馬豪情對雪引清
尊裁詩未就天黃昏瑟瑟罪罪不肯住瓊華已沒枯松根
今春雨少粟多秕農夫咨嗟臥不起芒種以後時漸和大
田蕃蕃差可恃翔風栗烈密霰零龍公試手鷲毛靡載塗
積野三尺餘天街蕩蕩平如砥五穀精英入土深雪爲五穀之精
見齊民要術預卜膏田獲豐收南畝西疇慶有成京兆入告
天顏喜

酬花農先生卽用原韻 二首錄一

葱蘢佳氣喜新晴日麗風和玉宇清雲水高蹤瞻雅範煙
霞幽况寄吟情海天未許龍終蟄池籞應須鳳一鳴將見
蒲輪徵大隱五雲深處聽韶頀

貝勒毓朗現官軍機大臣管軍諮處事務

餘癡生初稿自序云予少多病十歲就傳讀書獨喜大蘇詩以其行文如秦華恒衡包羅萬象不沾沾於繩墨之間時效倣之久之成卷庚子亂作稿佚戊申春日多暇追憶曩作附以近詠付諸手民以備遺忘

夢中至一古寺云看梅花既入門見西牆薔薇盛開

回視月正東升口占此詩遂醒

太白睽睽星熒熒一夜東風吹月上我來寺裏看梅花不道薔薇高一丈

次韻燕京酒徒題壁詩

三春苦旱日色淡捲地風來山岳撼半空沙礫石亂飛終日濛濛昏霧掩回憶甲午三輔驚波濤壁立風吼鳴可憐十萬良家子青燐白骨隨碎骨昨夜失聲大星落中興不復存李郭

時恭忠親王薨

恨無千尺凌雲臺此日登臨亦快哉何

當萬里破巨浪回頭一笑滄溟開

庚子元旦

青帝昨宵回未回人間喜氣動如雷人知歲歲傳元日我
喜融融蘇舊夢旭日漸生牆角草東風行放樹頭梅年來
更覺天機活轉識浮生衆妙該

亂後寄居城東呈錫太史鈞

國破家亡後天寒地沍時綈袍憐故舊菽水愧親知負腹
自成誤科頭未是痴君家書富有行乞潤欽頤

庚子之亂避地北山復遭潰勇歸來無以爲家寄跡
城東聊作一枝之借而已當此秋風乍爽逸興了
不可遏來香界寺尋鑑海大和尚乃知和尚因佛
像被毀什物一空入城市出不禁啞然失笑作

此招之雕鐫之語以甲午三月曾謝和尚惠玉蘭
有句云師心如璞玉慎勿施雕鐫句也

無我本佛法捨身救衆生身可飼豺虎况乃土木形妙悟
超衆妙所悟無上乘菩提且非樹台鏡何由明我視香界
寺無虧亦無成靈光信輪奐秘魔舊聞名空色了不悟頽
垣鬼火青我亦無家客年來逐蓬萍萬金盡劫擄幸免填
溝坑喘息未及已復來延秋清一望萬慮淨及枕甗有聲
何事說法師百念紛交縈歸來須及早莫待塵網攬法像
還故坐香花竭吾誠方丈本無物一榻聊經營百歲時易
盡莫教白髮盈雕鐫信可畏苦語君須聽

壬寅夏五月往日本途中作

兩宮勤聖治天地本無私張弛成王化恩威到海涯盟連

唇齒國學集古今師一舸東南路維城愧博施

海水深偏黑青山入更幽殊方饒異木橫嶺綴危樓望遠
壯心在登高暮景收故鄉何處是落日海西頭

小試乘槎路東來到此鄉民風餘太古國計萃羣長縮地
施全力鋤姦築大防空嗟隣已厚海水正茫茫

廟貌千年古山河此日新人憐德川氏我愛九州民忠義
風猶昔縱橫氣已伸中原求治切敢惜漚緇塵

題侗將軍西園

斂心玩泉石縮眼察園林野老無拘束山泉有妙音地偏
塵世隔樹密屋廬深靄靄夏山色尋堦上素襟

和耆壽民兄舊作城頭望雪

冰海風來林谷響雪大如輪小如掌初驚老木著春花繼

訝幽襟作秋爽天低已疑宇宙隘眼明陡覺庭院敞更上
城頭望匡廬浩渺光中失粒埃欲尋奇趣無中邊那更窮
幽問罔象萬弩錢塘潮上時千里平沙日初晃玉龍戰罷
雲偶閒恍惚晶瑩見顚顚松林得雪已奇絕城上吟詩氣
無兩茫茫銀海坐危樓波平不復勞雙槳不嫌覓句禁體
物生恐拙刀斷馬鞅一時豪興無古人此日胸中餘妙想
曲高和寡繼者誰襍襍舞鶴失圓吭

謝胡主事初泰贈地圖詩集

偷閑讀長詩掣身游西山登臨造其極始信天地寬歸來
拂几案五色驚班斲有客遺卷軸伴以詩盈函輿圖精秋
毫詩句傳金源知今更好古二者忽得兼胡生飽學士精
微究人天至今優而仕猶作書生談陸生多熱心章子學

精研朝夕共几硯理足神遂完滔滔今天下卻顧嘗三嘆
中興當此時非子孰與權努力事新法取多用始便無爲
效長卿慎莫師陶潛夜半殿角飛霹靂期君著鞭先祖遜
陸生謂陸宗與章子謂章宗
辭殿角霹靂之句紀實也

登肅府臺

破空秋氣逐人來雲盡天高萬象開郭外有山窺几案窗
前無地著塵埃西風起後羅衣薄返照光中宿鳥回千載
興亡一望裏暮鴉無數獨登臺

寄伯先姊丈

忽忽歲月又東風亂後惟餘詩句工徒有繁華驚俗眼更
無密訣受方瞳拙書我亦孫華老跨鶴君應蘇次公記否
北山相對語一般風味與今同

劉鴻庚字西垣浙江會稽人道光辛巳舉人官湖北漢

陽縣知縣

咸豐庚申殉粵匪之難
詔贈知府祀昭忠祠

有青藜閣詩稿

城東訪朱玉故宅州人謂卽大慈寺

揮翰詞華藻繪新屈原門下有傳人陽臺暮雨何關夢澤
國秋風易愴神花落園林空憶主苔荒門巷孰爲鄰獨留
梵宇莊嚴甚或恐如來是後身

漢景帝廟

蜀漢東征日傳聞載主行聲靈今尙在宮殿是誰營白水
荆關鎖青山楚塞橫春來禾黍長過客欲傷情

卽事

事重催科費苦辛麴塵到處碾雙輪枝頭櫻綴紅珠綻隴
上秧鋪翠毯新犬吠疏籬能避客燕巢大廈不驕人秋風

禾稼村村滿應有笙歌賽社神

五月二十日江岸觀漲

川西大將征粵西江上旌旂五色迷更望旌旂風動處已
向洞庭飛渡去今晨倦眼未及醒耳畔奔騰萬馬聲疑是
催符急星火艤舟登岸相紛爭豈知風雨江天作蛟龍戲
舞波濤惡黃流滾滾移山根白浪層層照樓閣風帆無影
燕空飛多少老翁神色遠使君要與馮夷戰借取前王鐵
弩箭請看甲士三千人射得潮頭不到岸

宗源樓授御史賦此寄賀

廿年薄宦滯長安今日恩榮拜諫官本有性情敦直道
自能譴謫厲忠肝風聲到耳留心切霜氣侵毫落紙難一
言新詩拾遺高燕羊退食勉加餐

翁心存字遂齋號二銘江蘇常熟人道光壬午翰林由
編修官至大學士 賜諡文端有知止齋詩集

讀張湯傳

江充前已興巫蠱從此聲名達九重劾鼠已摧中執法烹
羊兼笮大司農園錢并欲傾青翟皮幣惟聞鑄白龍到底
輸佗儒吏福兒寬猶得與東封

報復由來命在天心驚八輩到門前舞文濫斷江都獄密
奏潛撓宰相權仄目豈惟三長史傷心猶恨五銖錢惡名
雖被能湔洗地下應慚若母賢

拜岳忠武祠

四首錄三

大樹南枝挂夕暉祠堂千載尙崔巍竟虛絕塞迴龍馭不
及還鄉著錦衣內旨朱仙傳急召中原赤子歎何依蕩陰

長作腥羶地祇恐忠魂未忍歸

已割燕雲屬北荒又傳索土夢錢王渡河臣志同宗守航
海天心棄建康他日厓山存塊肉當年巨浸感空桑陸沈
歎息神州徧不獨漂流念故鄉

落日陰森碧殿扃年時里老薦芳馨長城已壞朝廷小浩
氣來游草木靈佞骨睚肝墓石像神弦哀怨迂銀瓶它年
湖上瞻祠墓願采黃柑醑醑醢

鄖陽行

翼軫芒寒纏殺氣鄖陽兵火連天沸草木新沾戰血腥風
雷下迂英魂毅蕭公筮仕尉保康其時羣盜方侏張妖氛
未豁飢荒告公來善政始發棠已聽勞魚歌父母更看集
雁免流亡民安好待天心順城小全憑眾志強無何烽燧

岡巒震羽檄交馳傳反問荒縣人誰習鼓鞞盈廷吏尙參
疑信斯時城守專仗公談笑從容惟坐鎮刮寇先焚妖鳥
巢練兵纔布長蛇陣春江三月水縈迴白波如山動地來
填壕千騎奔漕涌繞堞一聲畫角哀當頭圓魄黯無色四
面隕雲蕩不開慷慨提戈還誓眾倉皇仗劍且登臺蠡屯
蟻附長圍合困守土城勢逾急鐵甲三重敝柵呼雲梯百
道排空立雌霓蟠營鬼哭多機槍吐彗刀鉞濯轉闕孤軍
勇氣衰環攻五日長驅入城頭吹散鵝鵝聲巷戰猶驅子
弟兵裂帛裹創顱已斷結纓畢命面如生罵賊捐軀袁景
倩闔門殉難卞忠貞紅顏飲刃驂鸞去碧血成虹貫日明
嗚呼公官一尉耳昭明大義乃如此臣忠子孝婦隨姑烈
烈七人同日死梅福高風接釣台蔣侯靈蹟崇禋祀何以

公能遏賊衝獨以全家報 天子桓桓果毅來恒公提師
電掃成大功洗兵雨過晴川綠劫火颺迴曠野紅廓清端
自由 神武翊助還應賴鬼雄鐃鼓歡歌齊奏凱 絲綸
光賁爲褒忠中男扶柩還鄉葬哭聲響徹雲霄上擁住靈
輿奠一觴村夫野老皆悽愴盛事傳來二十春威弧早已
淨煙塵陰雲日暮荒城合化作甘和福兆民

梅曾亮字伯言江蘇上元人道光壬午進士官郎中有
柏硯山房詩文集

林少穆先生奉 恩旨入關署陝甘總督作此寄呈
中外傾心望 賜環竟迴旌旆過天山邊籌久已伸清議
臣節終能轉 聖顏橫海尙餘心膽壯屯田未覺髭毛斑
華陰曾有靈宮句絕壁重題想更攀

贈陳頌南

慰客車多似水流左遷君自百無憂同官何意遭閹奉直
疏曾聞繼道州若訪石牛猶早計且歌金馬亦良謀書銜
從此稱光祿謝鮑詩聲讓一頭

監利王子壽去刑部主政歸作詩寄之

君竟翩然返故居題橋應笑擬高車甯編荆楚歲時記不

讀司空城旦書詞賦飛騰聊自喜江山遼落興何如懷人
若問吳門卒尙有詩狂未掃除

贈吳子敘移居

南豐翰林有吳侯廣心遠志慕古修覃思研精坵大幽臯
比擁衆環三周六十四卦如探喉上通皇墳旁箕疇平時
誦經恆低頭揚眉忽爲蒼生憂翰林唐官設有由論思左
右敷王猷後沿其名職已偷如待詔者以技優貴取賤用
君所羞慨然上書借前籌十事敬陳備薪樞人言侵官古
則不做車疲馬不自謀九衢皇皇如有求少陵之履香山
裘謂君勞矣盍少休仲舉志大言難售掃除一室身可收
君聞此言笑合眸新居方卜西城陬玲瓏六窗如虛舟庭
撫嘉樹先人留有素心者同稽顙清時得送聊優游嚴吾

羈勒安吾輶倏忽一朝踏九州

六月二十一日歐公生日集邵位西寓齋朱伯韓曾

滌生周岷帆龍翰臣劉椒雲孫芝房與曾亮凡八

人以天下文章莫大乎是分韻得平字

芝房編修是日撫琴

元和文章逮宋初中間五代荒榛燕已往者韓未來蘇艱
哉一手公芸耒我思其時執鞭趨或從水涯伴山祖子美
曼卿介與洙不彼棄或尋收余年徂運往不可俱高齋見
公空畫圖謂公生日不可孤主人觴客皆英儒公有至言
非自諛惟文字者無窮歟若使後人嗜好殊今亦誰復知
公乎世人之壽百歲徂公八百載猶須臾神理無盡不可
誣今日爲壽良非迂況公守滁翁自呼其年四十未有餘
一視老壯齊榮枯豈復形骸爲有無眾賓一笑有是夫更

彈醉翁之操爲公娛

答吳紅生

揚州太守有書來筆札依然手自裁想見從容開畫舫更
無塵雜到靈臺飽聞魏國花金帶曾否江都草玉杯會與
君家老西谷蕪城一爲訪詩材

二十九日讀

詔書作

癸未八月

帝念中州困錢從少府攤詔書眞惻怛國計正艱難天
意誠能動民情感易安迎年豐可卜鴻雁莫哀嘆

贈朱伯韓歸里

落葉蕭蕭帶雨飛驚看歸客換征衣去留自笑無長策漫
欲留君緩緩歸

張維屏字南山廣東番禺人道光壬午進士有聽松廬

詩集

劉彬華云太守詩出入漢魏唐宋諸大家取材富而醞釀深

三將軍歌

陳聯陞陳化成葛雲飛三公皆以禦夷寇戰歿於陣時在道光庚子辛丑壬寅等年

三將軍一姓葛兩姓陳捐軀報國皆忠臣英夷犯粵寇氛
惡將軍奉檄守沙角奮前擊賊賊稍却公奮無如兵力弱
凶徒蠲擁向公撲短兵相接亂刀落亂刀斫公肢體分公
體雖分神則完公子救父死陣前父子兩世忠孝全陳將
軍有賢子葛將軍有賢母子隨父死不顧身母聞子死數
點首夷犯定海公守城手轟巨礮燒夷兵夷兵入城公步
戰鎗洞公胸刀劈面一目劈去門愈健面血淋漓賊驚歎
夜深雨止殘月明見公一目猶怒瞪尸如缺立僵不倒負
公尸歸有徐保陳將軍福建人自少追隨李忠毅

長庚身

經百戰忘辛勤英夷犯上海公守西礮臺以礮擊夷兵夷
兵多傷摧公方血戰至日旰東礮臺兵忽奔散公勢旣孤
賊愈悍公口噴血身殉難十日得尸色不變千秋祠廟吳
人建我聞人言爲此詩言非一人同一辭死夷事者不止
此闕所不知詩亦史承平武備皆具文勇怯眞僞臨陣分
天生忠勇超人羣將才孰謂今無人嗚呼將才孰謂今無
人君不見一陳一葛三將軍

越臺
一首

往者蠻夷長依然中國人背秦聊號帝朝漢自稱臣詎意
重洋水能生內地塵越臺烽火息回首一酸辛
茗薜千甌水芙蓉萬管烟利都緣口腹害遂徹中邊烹飪
泉兼品吹噓火自煎兩般間草木生殺竟操權

李振鈞字海初安徽太湖人道光己丑狀元官翰林院
修撰有味燈聽葉廬詩集四卷

文獻祠中紅梅

娥媚堪親秀可餐荒祠春早不知寒留將古貌煊烘好修
到清香供養難曾是和羹歸鼎鼐肯同酣酒倚闌干非關
豔冶汙脂粉尙取孤忠一寸丹

呈熊松高丈

風流儒雅是吾師天柱峯高毓偉奇白馬酒家燕市夢黃
堂花縣鄴城思固知洛社能安分可奈眉山不入時大笑
銜杯章水上歸雲早與故山期

二千里外遇歸船四十年前與綺筵湯餅旋看綾餅啖班
衣喜換錦衣鮮

某甲寅生己丑及第公皆在京

珠簾畫棟江之渙火樹星

橋月正圓小子不才空塊壘丈人難老卽神仙

昔年頭角誇如玉此日鬚眉感欲霜白首幾人存父執烏
衣招我住仙鄉剛腸莫任鋒鋌利苦口方知藥石良且照
愁燈澆別酒天涯悵望魯靈光

那得蘇杭養樂天老僧退院鶴飛還無錢作郡猶安隱有
子居官可放閒扶杖好開三益徑當門飽看六朝山他時
小築如隣近笠屐相從紫翠間

龔自珍字璣人號定盦浙江仁和人道光己丑進士官

至禮部主客司主事

選湖北同知不就仍還原官一名易簡字伯定更名鞏祥

寄古北口提督楊將軍

芳

絕塞今無事中原況有人昇平閒將略明哲保孤身莫以
同朝忌慚非貴戚倫九重方破格肺腑待奇臣

暮春以事詣

圓明園趨公既罷因覽西郊形勝最

後過澄懷園和內直友人春晚退直詩六首

癸未

西郊富山水

天子駐青旗元氣古來積羣靈咸是依九

重阿閣外一脈太行飛何必東南美宸居靜紫微

一翠撲人冷空濛湖卻遙湖光飛闕外官月澹林梢春暮

煙霞潤天和草木驕桃花零落處

上苑亦紅潮

恍惚西湖路其如悵望何期門矚威武賤士感蹉跎園沼

輸魚躍峰巒羨鳥過周陟新令在不得觀卷阿雍正二年設入旗官

兵處今額倍於初額

掌故吾能說雍乾溯以還禪心關初地小幸集清班遂

進羣藩宴兼怡聖母顏昇平六十載乃大啟三山靜宜及靜

明清漪三處皆乾隆中建

警蹕間傳膳樞廷述地方凡車駕有所幸謂之傳地方宸遊兼武備

香山有健銳火器二營大典在官常禁額如雲起仙人隔仗望萬重

珊翠裡不數尙書郎

此地求沿革當年本合并林嵐陪禁近祠廟仰黜名水

樹分還壯雲廊改更清諸公齊努力誰得似桐城澄懷本張文和

公湯園今內直諸公分居之又爲澄懷之半耳

常州高才篇送丁若士履恆

丁君行矣龔子忽有感聽我 筆歌常州天下名士有部

落東南無與常匹傳我生乾隆五十七晚矣不及瞻前修

外公門下賓客盛謂金壇段先生始見臧在顧述來哀哀奇才我

識憚伯子絕學我識孫季逖最後乃識掌故趙味獻以十

詩趙畢酬三君折節遇我厚我益喜逐常人游乾嘉輩行

能數悉數其派別徵其尤易家人人本虞氏絳緯戶戶知

何休聲音文字各竅奧大抵鐘鼎工冥搜學徒不屑譚賈

孔文體不甚宗韓歐人人妙擅小樂府爾雅哀怨聲能道

近今算學乃大盛秦西客到攻如讐常人倘欲問常故異

時就我來諮諏勿數耆耄數輩蔓及洪孟管孝莊卿張

風周恬伯其餘鼎鼎八九子奇人一董方先卽邱所恨不識

李夫子申南望夜夜穿雙眸曾因陸子生展通訊神交何

異雙網繆識丁君乃二十載下上角逐忘春秋丁君行矣
龔子忽有感一官投老誰能留珠聯璧合有時有一散人
海如鳬鷗噫嘻才人學人一散人海如鳬鷗明日獨訪城
中劉謂申受丈

東陵紀役三首

天倪徽音在 龍飛故劍亡 兩宮儀斐薺七萃淚淋浪
鬱律川原勢低徊葆吹長東行三百里何處白雲鄉
帝子年華小初弦寶月沈端嫺三肅禮懣動 六宮深徒
殞飛秋雪迎神下彩禽松楸衣在咫慈孝萬年心
閣事疏朝請 君恩許看山口銜星宿去袖拂鳳皇還望
眼將連海詩聲欲過關雲旗風馬隊句日夢魂間

朱 艘字丹木雲南石屏人道光己丑進士官至陝西
布政使有味無味齋詩稿

有感二首

佛郎機火欲燒天大將旌旂至自燕但主和戎增幣帛不
教橫海出樓船齋糧養寇帷中算割地通商國外權檣樹
孫枝終誤國番禺錯認是澶淵

銅柱曾標馬伏波忽聞趙括代廉頗千金誰募僧騰客一
紙難當曳落河天險忍令延蝮虺鬼雄空自奮干戈侯封
本是功臣後乃祖黃泉恨若何

軍敗不聞桴鼓搗由來去病祇爲家震雷日下翻金穴春
雨江南走檻車石氏珊瑚歸左藏越裳翡翠獻重華共驩
服罪夔龍奮側耳飛書報獲嘉

題賀中丞藏王文成公畫像

五星聚奎濂洛昌五星聚室開姚江大儒應天闡聖學同
源異派分朱王先生先河陸子靜牴牾攷亭疑披猖致良
知功在慎獨確有循持非渺茫卽心卽理不外假如握金
鏡窮幽荒知行合一尤直捷示人病痛驅膏肓高明卓絕
喻者少後學逃禪宗旨亡四有四無矜其悟龍溪老叟航
絕潢先生天授亦人力憂戚玉女神明強二氏早闢陽明
洞六變乃升洙泗堂治平事業歸誠正用舍際遇徵行藏
道德愈高任謠詠勲勞至大猶秕糠我從中丞拜遺像肅
肅如見居龍場何陋軒顏山水在至今蠻貊留餘芳中丞
文翁播文治黔中講學興序庠長奉先生爲模範願爾多
士焚心香

鄭熙字南之自號鹿牀居士浙江錢塘人道光壬辰

翰林官至禮部左侍郎南書房行走粵寇陷杭城殉

難賜諡文節有鹿牀題畫詩

潘星齋侍郎作山水小幀余爲戲增數筆並系以詩

大癡樵徑古風流繼起查王膠漆投自笑點金成鐵手佛

頭著糞不知羞自注云黃鶴山樵以畫請教大癡大癡於

二瞻改做北苑冊頁南田有跋熙曾見之

能分出某一點是石谷某一拂是二瞻也

題畫雜詩二首

獵獵霜風厲冥冥雲路永日出蒼煙開寒塘下秋影

寒日下峰顛西風起林杪野亭時一來秋空數歸鳥

又七絕四首

東風竟日攪垂楊占得危欄一角涼舊事新愁兩無著且

看水鳥入微茫

聞說山峰高插天是中往往著飛仙白雲懶過前山去且
在山腰一晌眠

裊裊垂楊皺細雨茸茸淺草蘸寒煙不識是煙還是雨耐
人尋味是春山

微波渺渺夕陽流芳草芊芊杜若洲花月春江遊歷徧絕
無人處艤扁舟

爲潘星齋作飛雲攬勝圖并題一詩

飛雲何在在黔州君攬其勝我未遊元珠卻令罔象求鍊
筆爲鰐翔遐陬以心相聽神與謀得魚忘筌亦何羞伯樂
之馬庖丁牛

左宗植字仲基又字慎齋湖南湘陰人道光壬辰舉人

有慎齋詩鈔二卷

文襄相國之仲兄

隆中謁武侯草廬二十四韻

武侯昔未遇躬稼南陽田海內英雄滿斯人邱壑專風雲
贊興主魚水急高賢天意扶炎胄真人駐寶躡崎嶇揮羽
扇談笑運機權鼎足酬三顧雄圖出萬全縱橫結吳楚浩
盪動秦川火德西南燼孱隅歲月延長星奔戰壘素巖巖
戎旃歐血成孤碧餘魂走豎獐淒涼遺表讀慘痛陣圖傳
有客來襄漢臨高思沓縣風塵方浩浩湖海漫拳拳故國
郊生馬蠻鄉矢控茲江山連險要耆舊渺風煙卽事元多
感奇才況可憐廬荒花濺淚龍去洞疑仙古柏窺蒼旻空
山叫杜鵑斷碑僧曝衲虛殿覲祈簪太息隆中對悲歌梁

父篇西瞻斜谷口南望鹿門顛感慨兼懷古沈吟一泣然
鄧湘翁以松竹園雅集圖屬題爲其兄雲老壽時余
將往湖北兼示舍弟季高

羨君兄弟老逾篤竹枝多節松多壽新秋一葉下名園選
勝謨觴集朋舊瘦篁映水雨斑斑銀鬚揮杯松韵寒卅年
舊約對牀客君舊有一聽雨圖一笑今日猶朱顏我家湘北松塘屋
塘畔疏松間叢竹貧居兄弟離別輕何日園林踵芳躅晴
川歷歷漢陽城明發阿奴送客行題詩寫寄發遙嘅西園
坡穎知我情

左宗棠字季高湖南湘陰人道光壬辰舉人官至大學士閩浙總督封一等恪靖侯世襲罔替 賜諡文襄
癸巳燕臺雜感

世事悠悠袖手看誰將儒術策治安國無苛政貧猶賴民
有饑心撫亦難天下軍儲勞 聖慮昇平絃管集諸官青
衫不解談時務漫卷詩書一浩歎

紇烈全金功亦鉅李愬策魏術非疎公孤自有匡時略災
異何來告糴書不惜輸金籓拜爵初聞宣檄問倉儲廟堂
袞袞羣英在休道功名重補苴

西域環兵不計年當時立國重開邊橐駝萬里輸官稻沙
磧千秋此石田置省尙煩他日議興屯甯費度支錢將軍
莫更紓愁眼生計中原亦可憐

南海明珠望已虛承年寶貨近何如攘輸砮俗同頭會消
息西戎是尾閭邾小可無徵蠶毒周興還誦旅獒書試思
表餌終何意五嶺關防未要疏

湘春門外水連天朝發家書益惘然陸海只今懷禹蹟阡
廬如此想堯年客金愁數長安米歸計應無負郭田更憶
荆沅南北路荒村四載斷炊煙

青青柳色弄春暉花滿長安晝掩扉答策不堪宜落此蘇
壯游雖美未如歸故園芳草無來訊橫海戈船有是非報
國空慙書劍在一時鄉思入朝饑

已忍伶俜十年事杜驚人獨夜老鴉聲一家三處共明月
萬里孤燈兩弟兄北郭春暉悲草露燕山昨日又清明宵
深卻立看牛斗寥寞誰知此際情

二十男兒那刺促

長吉句

窮冬走馬上燕臺賈生空有乾坤

淚鄭絜元非令僕才洛下衣冠人易老西山猿鶴我重來
清時台輔無遺策可是關心獨草萊

二十九歲自題小像

八首錄五

猶作兒童句讀師生平至此乍堪思學之爲利我何有壯
不如人他可知蠶已過眠應作繭鵲雖繞樹未依枝回頭
廿九年前事零落而今又一時

錦不爲幘自校量無煩詹尹卜行藏君王愛壯臣非老貧

賤驕人我豈狂聊欲絃歌甘小僻

史館謄錄積勞得敘例與一令誰能臺

省待廻翔五陵年少勞相憶燕雀何知羨鳳凰

十數年來一鮮民孤雛腸斷是黃昏硯田終歲營兒哺授父

徒長沙先嫌屑經時當夕殮

嘉慶十七年湘大旱吾母後廿餘年糠屑爲餅食之僅乃得活五

鼎縱能隆墓祭隻雞終不逮親存乾坤憂痛何時畢忍屬
兒孫蔽菜根

機雲同住素心違堪歎頻年事事非許靖敢辭推馬磨王
章猶在臥牛衣命奇如此人何與我瘦如前君豈肥來日
連牀雞戒曉碧湘宮畔雨霏霏

兄所居五代馬氏
碧湘宮故址也

唐初身畔原無格漢室侏儒例免飢仕宦何心求速化人
才似此不時宜秋山綴石鐙前影春筍聞雷領底髭祇待
他年衰與老披圖聊得認參差

陶家園聽彭山人琴

山邊亭子花之陰癯仙閑囊調素琴洞庭秋老葉初脫夜
壑春深龍一吟中有羲皇不盡意世無夔曠誰知音我家
湘上水雲窟歲晚鼓棹來相尋

朱琦字伯韓廣西臨桂人道光乙未翰林官至浙江

候補道有怡志堂詩文集

由編修遷給事中守桂林功擢道員庚申殉浙難

紀聞八首

邊徼苦夷氛所至輒糜爛姚侯一書生孤城乃能捍澎水
潛設伏火攻出深算東顧幸有人藉以抒宵旰

籌兵先籌餉任謗兼任勞文武職守異事權患旁撓大尉
往交驪頗牧如漆膠用能制鯨鯢溟渤偃洶濤

木岡環亂山野番恆雜處奸民恣劫畧蛇豕紛蟠踞滋蔓
當預圖番夷漸歸附內亂苟不生外寇豈足懼

制敵當以奇攻毒從其類巨盜招使降結之以恩義大府
躍馬來羣酋皆羅拜謂公能用我奮勇當一隊

驚獸難遽馴草木識威德衣冠化殊類子弟列學職昔日

盜弄兵今日往擊賊鐵纜沈巨舟鬼方黯無色

寇恂屢興郡治賊方可倚名世抱大畧半從州縣起五虎
舊分符方面重責委勝兵得千人疾驅塞鹿耳

諸將擁節旄獻凱多侈辭大勇功不居鎮定如平時但云
夷舟退首虜付有司守土自臣職寵祿安敢知

忠讜本素性綜練由詩書君家惜抱翁迺是韓歐徒絕學
成一纔吾道信不孤努力濟時艱所望宏遠謨

寄曾滌笙欽使

一疏回天四海聞兩湖百戰冠諸軍古來不朽豈文字天
下英雄獨使君專閫忠勤先論將幕僚才傑亦超羣王師
及早江南定褒鄂凌煙策首勳

長沙官吏祭軍門塔齊布詩以紀哀

前年痛哭江中丞誰其繼者塔提軍中興以來數將帥林
公之後三忠魂已圖魯號天下聞論功終當畫麒麟得陽
忽見大星隕目眦盡裂煙霾昏爲猿爲鶴那忍論洞庭浪
惡愁蛟鯢當時決策竟東下樓櫓蔽江如雲屯武昌踴倒
黃鶴碎赤壁萬舟一炬焚奇謀勇士何紛紛督師者誰曾
大臣拔之偏伍付將柄天子動色稱知人三十登壇絕
等倫壁壘一變號令尊都天健兒來歸附飛鳥不敢當轅
門平生愛兵如弟昆飲啖雜坐笑語親又聞臨陣與衆誓
生死一心同苦辛九江天塹波汙汙城頭逆燄壓壞雲一
腔熱血何處灑衆口暗啞聲潛吞昨者歸靈衡麓嶂公與
二公當爲神羣吏跪拜圭俎陳亟咸上天訴於閭專祠特
建施醴恩我舟北渡湘之濱怒風不息吹沙塵汀蘭澧芷

流餘芬投以湘纍萬古之奇文淚傾長江濁浪渾鳴呼得
不哀痛三忠魂

疊前韻簡子貞

翰林七品官不進小謫我眉發清韻奇探瓦屋得未有飽
飲山淥貌豐潤邇來詩老紛招邀被酒哀歌重五閨百榼
盡倒頗近狂三日不見已生客炎天顧祠來磅礴雙松飛
雨跳急陣自云善書如善射猿臂勇爲衆狙僞亦恨古人
無臣法太貶今人莫相信相見屢規開口笑萬言何如飲
美醞李杜斷斷難檢束身世勞勞兩蓬鬢怪石古槎亦間
作東洲詩畫鐫小印洪河豈妨泥沙下奇筆皆驚鷹隼迅
謬說曹檜張大楚絕足敢追千里駿師門籍湜方汗走觀
海眩轉不及瞬三山碧落何處尋五柳門空誰過訊

喬松年字鶴儕山西扶溝人道光乙未進士官至河道

河道總督 賜諡勤恪

續梅伯言三峰草堂歌

少時腰腳健於犢苦愛名山就山宿老來四體如蠶僵但
求容膝聊徜徉小園寄迹頗可快不須高舉尋雲外新開
戶牖翦蒿萊奇石枯株發光怪一徑鮮碧搖琅玕高齋相
對清晝寒雨析簾櫳香霧溼幾叢卉艸夕陽殘小樓一角
迴廊轉樓上皮書五千卷螭鼎燒香聽語鸚鵡蜃牕納爽招
栖燕起伏逶迤積翠巖三峰秀削青巉巖虛堂置酒恣平
視煙嵐似向空中嵌小池瀉溜魚苗細落英片片飛波際
危亭迴出石磴間憑闌坐看纖鱗戲環厓高下琪樹林旁
有幽窟窈且深薦蘿薜荔互縈抱洞天秘處誰能尋朝來

新雨足清景潤葉濯枝送微冷午風飄颻亂蟬聲夜色空
明疎月影十年劫火大江濱萬山松柏摧爲薪嘉植芳條
幸好在暗中呵護煩天神林木由來比名節百年霜露兼
冰雪一邱一壑亦尋常似此喬柯最殊絕柏視老人詩太
夸渲染畫本迷煙霞丹青金碧吾弗貴但賞濃綠交槎枒
未能免俗還自笑補種富貴深色花

牡丹多萎
將補種之

斯園主人高君仕後憶園不置作圖徵題梅伯言雖作
長歌固未嘗至也戊辰夏余得居之頗疑梅詩溢美後
至揚州見舊日園亭丹雘精麗結構玲瓏遠出斯園上
獨無茂林古木遂使池臺乏韵塵土侵人歸就繁陰跋
腳取涼嬾娑竟日頓忘炎暑始知小園雖陋而嘉樹可
譽青士蒼官勝於綺閣彫甍多矣同治七年秋松年識

吳式芬字子苾號誦孫山東海豐人道光乙未進士由
編修官至內閣學士兼禮部侍郎有陶嘉書屋詩文
稿

吳雪鋒重摹漢西嶽華山廟碑歌

八分刻盛西京時集古所錄今多隳華山廟碑更奇絕二
千年上傳延熹肩鳳穹隆遭踣折敲火礪角無從知世間
舊揭祇二本尹邢未敢評妍媸墨莊傳本歸王氏竹垞題
詠藏西陂嶧山聚木有重刻此碑常恨人難窺雲台尙書
精鑒賞搜羅秦漢窮軒義忽從錢氏詹事得善本古香生
墨光陸離由來好古共欣賞天下尤物羞自私吾家雪鋒
工篆刻腕力下走生蛟螭鉤撫舊本入微妙奏刀騁砉重
磨治纖波濃點迺通肖銀鉤鐵畫相摹追兼勒篆額並題

字如印印泥沙畫雖泰山石刻李斯篆吳都天發神識碑
同時摹置北湖上貞石鼎峙爭嶷嶷伊子嗜古同嗜踈每
以生晚興遐思竭來晤君齊安郡篋出一帋欣相貽神韻
天然謝雕琢滿幅憾無毫髮遺輕如郢斤風瞥過重若九
天雲下垂峭似孤峯懸危石端猶天廟陳尊彝鳳鸞翔舞
勢縹緲蛟龍騰擲鱗之而神仙飛遊絕行迹人間筆楮安
能爲觀古但求得其意何必定攷書者誰中郎卽今多異
論察書市石徒滋疑我於此本得未有展玩豈惜手生胝
寒山喜共片石語綈錦早襲千朋龜齋中且莫設寒具古
趣已覺忘人飢區區隴蜀有癡意倘肯惠我成三奇

及神識碑摹
本尙望續惠

龔定盦禮部招同廖鹿柴工部家紅生舍人蔣子藩

孔繡山梁敬叔三孝廉出右安門觀海棠用東坡

定惠院海棠詩韻

蕭齋兀坐如枯木，賴有琴書慰閒獨。春光如海未春遊，坐
令名花笑人俗。忽欣良友相招邀，逸興翻如鶯出谷。嘉賓
萃止盡名流，劇談不覺月照屋。醉我深杯竹葉醅，嘗我大
觥花豬肉。侵晨聯轡出郭門，數里未須疲馬足。林深寺古
徑轉幽，日暖天清氣猶淑。嫣紅匝匝出檐牙，嫩綠蕨蕕遮
樹腹。新妝試罷媚清曉，翠袖無言斜倚竹。不羞狂態對幽
姿，卻借花光洗塵目。莫辭後會訂再來，得隲豈復嘲望蜀。
良辰勝侶非易得，歸程恐逐南飛鵠。時定庵將乞養南歸蘇隄十里
足春陰，君家正在湖山曲。明年湖上看花時，此景迴思定
悵觸。